

Himmel övver Kölle

Musik & Text Björn Heuser / Verlag: HEUSERMUSIK, GMO Publishing

Dat Jras es weich he op der Wies,
op der ich lijje, wenn Sommer es,
e Jänseblömche zwesche de Zäng,
lur ich en de Wolke ren.

Vüjel fleje, vun links noh räts,
ohne Ziel un ohne Stress,
un ich, ich lijje do - un lur ihne noh!
Su jeight alles singe Wääsch ...

**Der Himmel övver Kölle es för jeden do,
hä künnt su vill verzälle, lur einfach bovven huh.
Der Himmel övver Kölle pass op, dat nix passeet,
ejal ovv blau, ovv jrau - sulang mieh Hätz noch schlät!**

Da da dap da da, Da da dap da da
Da da dap da da, Da da dap da da

Da da dap da da, Da da dap da da
Da da dap da da, Da da dap da da

Nit op jede Froch kriss do direk,
en Antwort, die dir wirklich schmeck.
Manchmol künnt et besser sin,
öm de Eck ze denke, andersröm.

Se lieb mich, un se lieb mich nit,
dat Jänseblömche immer dünner weed,
un bes die Stänne stonn, bliev ich lijje, will nit jonn.

Ach künnt et doch immer su sin ...

Der Himmerl övver Kölle ...

Da da dap da da, ...

Der Himmerl övver Kölle ...

**So lang mieh Hätz noch schlät.
So lang mieh Hätz noch schlät.
So lang mieh Hätz noch schlät.**